

No. 91. 1388. 2. Oct.

Hannus Karas verkauft mit Genehmigung seiner Schwiegermutter Anna, der Wittwe des Hannus Meydeburg dessen Freihof in der Kundegengasse an Franz Munczmeister für 55 Schock Groschen.

Ich Hannus Karas bekenne in desym offenen briue allyn den, dy en seen horen adir lesin, daz ich mit gutem willen, mit wolbedochtem müte vnd mit willen myner swyger Annen Meydeburgynnen vnd mit rate myner vrunde vorkouft habe den vrien hof, der do gelegin ist zcu Dresden in der Kundegin gasse^{a)}, Franczin Munczmeister burger zcu Dresden vnde synen erbin vnde habe ym den gegeben vmmē vñf vnd vñmfzick schok guter Fribergisscher grosschin, dy her mich gereyt vnd nutzlich bezalt hat, mit alle den rechtin vnd vriheiten, alz yn Hannus Meydeburg myn sweer, dem got gnade; gehabt hat^{b)} vnd ouch mit allir ezugehorunge, alz her von aldir gelegin ist. Ouch hab ich ym vorkouft daz kleyne huschen hynden by dem tore, do Mertin ynne ist, also daz sich Mertin des vorezien sal vnde entumen sal zcwisschin hy vnde vastnacht. Vnd ich egenantir Hannus globe dem vorgebantin Franczin vnde synen erbin, den hoff zcu gewerne noch des landis rechte alze recht ist ane arg vnd ane allis hindirnisse; do vor hab ich ym zcu burgin gesatezt den gestrengin Heynrich Kuchmeister gesessin zcu Kotzebrode, Franczin Pirner burger zcu Dresden mynen vrunt, dy mit mir gelobt habin. Vnd wir burgin globin mit gutem willen, mit wolbedochten müte mit dem vorgebantin Hannus Karas, alze der vorglobit hat, also globe wir mit ym mit gesamter hant vor eyne rechte gewere dem egenantin Franczin Munczmeister vnd synen erbin ganz vnde zcu male zcu vulczyne an allirleye hindirnisse. Ouch wer is, ab vndir vns eyner abe ginge bynnen der zeit, daz got wende, so sulle wir andern zewene ym eynen andern burgen an des todyn stat setezin vnde gestellin bynnen eynem manden, alze daz ym dor an sal genügen. Ouch geschege is, ab vnser herre der marcgrafe dem vorgebantin Franczin Munczmeister der leen weygerte, also daz her ym den hoff nicht lyen welde, so globe wir egenanter Hannus Karas, Heynrich Kuchmeister, Francze Pirner dem vorgebantin Francze Munczmeister vnde synen erbin syne pfhennyge vñf vnde vñmfzick schok guter Fribergisscher grosschin wedir zcu bezalne in virezen tagin vmvorzoglichen vnd ane allis arg; wo wir des nicht entetyn, so mag der vorgebant Francze Munczmeister dy selbin vñf vnd vñmfzick schok gewynnen in iuden adir in cristen adir wo her kan, vnde alle der schade, der dor uf get, den globe wir egenantin Hannus Karas, Heynrich Kuchmeister, Francze Pirner dem vorgebantin Francze Munczmeister vnde synen erbin gutlich zcu ledogene ane arg vnd ane allirleye wedirsprache. Daz wir alle dese vorbeschrebene rede stete vnde gantcz haldin wollin vnde sullen, dez habe wir vnsir ingesigele an desyn briff mit gutem willen vnd wissen lassin

a) H. z. T. Breitstrasse. b) Dominus contulit honestae Annae legitimae Johannis Magdeburg — unam curiam sitam in civitate Dresden in vico dicto Kundigengasse iusto dotalicii titulo possidendam. Tutor Johannes Karas. Datum anno m. LXXXIII^o. — Cop. 30 fol. 98.